

煞停侍產年內加假 張超雄拉布犯眾憎

網議政事


嫌假期太少，所以多兩日都寧願唔要？呢啲咪就係「泛民邏輯」囉。增加男士侍產假可謂香港準父母嘅期望，但係當勞資雙方達成共識，肯先將侍產假由3日增加到5日嘅時候，反對派議員就衝出嚟阻止件事，係都要成立個法案委員會去審吓先。勞工及福利局局長羅致光昨日就寫網誌，率先向各位「狗年BB」嘅爸爸道歉，因為成立咗個委員會後，最快都要出年農曆新年左右先可以生效，即係呢班爸爸同5日侍產假無緣嘞。唔少網民都對此感到憤怒，但唔係翹局長，而係翹堅持要7日侍產假先收貨嘅工黨張超雄，認為要怪就怪佢阻住晒，「根本羅致光不用向那些本來可享有侍產假的爸爸道歉，不是你的問題！」

羅致光昨日以《向「狗年BB」爸爸致歉》為題撰寫網誌，話其實侍產假嘅修訂法案好簡單，所以自己本身想說服議員唔好成立法案委員會，令有關修訂可以喺暑假休會前通過，咁一眾準爸爸咪可以早啲享用到更多假期囉。

羅致光料拖至明年新春

雖然都知道有班反對派議員係都要7日侍產假先收貨，但羅致光喺星期三立法會大會發言時，已經講話修訂都可以喺二讀嘅時候表達，唔一定要成立法案委員會講，但啱家睇嚟，「成立法案委員會是不能避免了，最快完成審議工作及恢復二讀，都要待立法會10月復會之後。就算順利通過，仍需刊憲，立法會

再審議生效日期，亦由於聖誕節及新年立法會休會，相信只能於農曆新年前後，才能生效。我現在只能希望第一位「豬年BB」的爸爸可以多享兩天侍產假。」
羅致光最後都話，政府提交條例修訂，的確要走好多程序，所以都唔可以「賴」議員，但由於簡單修訂開地都要搞半年，所以佢只好先向「狗年BB」嘅爸爸講「對唔住」先。
提出要成立法案委員會嘅張超雄見羅致光咁樣講，就即刻向傳媒批評局長「貓哭老鼠」，仲話雖然成立法案委員會係會延長咗件事，但覺得立法會唔應該「袋住先」，而要為市民「發聲及提出修訂」嘞。
不過，市民明顯就唔係張超雄咁睇



鄧家彪fb出文寸張超雄，批其大玩政治show，勢必將議案拉到下年，連累一眾打工仔。

囉。「Ann Wu」狠批：「(勞資)雙方都同意，只有你一個就……真的無話可說！新聞報導(道)話有議員堅持成立法案委員會所以先不能生效！根本羅致光不用向那些本來可享有侍產假的爸爸道歉，不是你的問題！」

網民籲爸爸團結踢走加會雄

「John Leung」反問：「五日都未過，就話要搞七日，過左(咗)五日之後再檢討唔得既(嘅)？」「Chak-tim Ng」亦問：「袋住先然後繼續爭取，請問「加會雄」有何問題一定要拉倒呢？」

「Simon Ma」怒斥：「議事是討論，協商，達成！那些所謂議員的字典中從來就沒有通(循)序漸進這句，一係就

有，一係就拉倒！」
「陳曉生」突破盲腸咁話：「無佢份嘅嘢，話之你！」「Sun Choi Kam Winnie」就勸大家唔好再投畀咁樣嘅政棍：「連呢樣都拉布！投過票俾(畀)佢既(嘅)爸爸們！快D(啲)問佢擇返D(啲)選票，踢此賤人出局！」

鄧家彪寸抽水政治show

工聯會鄧家彪亦喺facebook出文話：「局長，唔駛(使)道歉。張超雄一定拉到下年，等埋九龍西李卓人補選嘞，俾(畀)佢地(哋)做政治show。反正，找數嘅係打工仔，唔係佢。」再加上「有邊次唔係臨尾抽水」、「零成本爭取」標籤去寸張超雄。



陳曼琪(左)昨日出席深圳前海法院開放日。

陳曼琪獻策前海法院

香港文匯報訊(記者 鄭治祖)香港在「一帶一路」及粵港澳大灣區發展中有其關鍵角色，其中一項就是提供包括法律的專業服務。港區全國人大代表、香港中小型律師行協會創會會長陳曼琪昨日出席深圳前海法院開放日，以及前海法院委任港籍陪審員儀式，並在座談會上發言，就前海法院在制度創新、專業引領、人才培訓方面及建設國際化的法院等方面，提出了20項建議。

倡引港專家作陪審員

為助前海法院更好地服務國家，對接世界，陳曼琪昨日在座談會上提出多項建議。在對接世界方面，她建議強化案件當事人選擇域外法，包括香港法律的選擇權；建設由多國法律專家組成的前海法院域外法專家名單，協助前海法院處理域外法律查明；擴大及引入更多具國際法律、科技、電子商務及金融知識的港籍專家作前海法院陪審員等。

此外，陳曼琪提出，建立粵港澳大灣區涉外及涉港澳案件法官遴選委員會，並對涉外涉港澳法官進行三地法律，包括大陸法及普通法的培訓；培養一支高素質的司法輔助隊伍，包括多國外語翻譯人才，為法院提供專業的文書和庭上即時翻譯。

在跨境議題上，陳曼琪建議，取證方面可以深入推進發揮中國委託公證人作用，更有系統規範海外證人在海外遠程作證；在前海範圍內，優化及擴大法律文件送達方式；擴大三地判決互認的範圍；簡化判決認可及執行的流程，破解執行難的問題；建立「一帶一路」及粵港澳大灣區一站式涉外涉港澳法律指引及判例信息平台等。

冀推灣區專業互認

專業資格方面，陳曼琪建議推動大灣區律師專業資格互認；允許香港事務律師及大律師在前海法院代表當事人出庭處理涉外涉港民商事案件；取消香港律師在內地設立代表處要求；及容許兩地或三地聯營律師在前海設立開業3年後轉為前海本地律所。

力助本地藝團 投入灣區發展

建港者營

粵港澳大灣區發展備受外界關注，筆者認為除了經濟發展外，亦要將大灣區建設成世界上最具活力和影響力的文化中心之一。為此，民建聯於6月15日舉辦了「香港文化藝術界在粵港澳大灣區的發展機遇」圓桌會議，廣邀界別內的代表聚首一堂，就如何充分利用大灣區的重要機遇，為區內外帶來更豐富多彩的文藝作品，發表他們的灼見。

事實上，香港獨特的歷史背景和地理位置，造就了中西文化薈萃的氛圍和環境。據統計，在2015/16年度，本港有超過8,000個表演藝術節目，較上年度大幅增加7%；接觸了近370萬人次的市民，較上年度增加3.8%。

由此可見，香港市民很享受文化藝術活動，文藝表演亦受到普羅大眾歡迎。

場地受限制 發展具挑戰

可是，不少文化藝術團體向我們反映，近年本港文藝產業發展蓬勃背後，其實面對不少問題，包括活動場地嚴重不足以及政府資助不到位。同時，不少有意北上發展的藝團，在場地安排、合約洽談等方面遇到不少挑戰，令他們的發展受到很大限制。

當日出席圓桌會議的五位嘉賓，包括康文署助理署長楊芷蘭、香港藝術發展局行政總裁周惠心、香港文化舞劇團藝術總監梁國城、綠葉劇團製作人李宛虹，以及香港演藝界內地發展協進會秘書長王祖藍，都要求政府加強聆聽業界的意見，並落實更多措施扶助業界在本地及大灣區取得更大的發展空間。

倡兩地合作 提供法律支援

筆者認為，政府除加大力度協助藝團在本地發展，吸引外地人到來欣賞表演；亦應投入更多資源，主動協助本地藝術團體在內地發展。例如與內地表演場地建立聯繫及促成合作計劃，為團體爭取更多表演機會；在洽談合約等法律安排時提供更多支援等。我們相信，隨着粵港澳大灣區不斷發展，香港的文化藝術團體可以找到更廣闊的發展空間。

■民建聯副秘書長 葉傲冬 (標題及小題為編者所加)

「傘兵」怕鏢「鸚鵡豬」 批AV仁「大蝦細」



「鳩鳴團」成員直踩AV仁律師行，抗議「民主動力」協調偏頗、濫權霸道。 2019區議會300+ fb截圖

特稿

為吃唔位，反對派又再上演「第N次鬼打鬼」。「民主動力」近期在協調下年區議會選舉反對派出選名單時，確認民主黨蔡耀昌(九哥)將會出選東涌南選區，惹來「傘兵」組織「東涌人」成員王進洋不滿。而王更係佢facebook上明言「民主黨今天起不是我的同路人」，與「人民力量」關係密切的一眾「鳩鳴團」成員，日前(22日)更直踩鵲黨(民主黨)AV仁(何俊仁)嘅律師行抗議，批評AV仁等偏私，以元老威權壓頂。

插九哥撞區「鬼打鬼」

喺上屆區議會選舉中，王進洋出選離島區議會東涌南選區，最後就輸咗，但就表明會再參加明年區議會選舉。
都係嘅，區議員「坐底」三皮嘢又有光環，邊個唔想做？但係之前「民主動力」將當區出選權畀咗「九哥」，想搶人飯碗，王進洋係不滿啦，即時係fb炮轟「民主動力」同民主黨。
就在前幾日(22日)，如同「人民力量」分支嘅「鳩鳴團」成員，就直踩鵲黨AV仁嘅律師行，抗議「民主動力」協

調偏頗、濫權霸道，鬧爆九哥唔理同「傘兵」撞區出選，以元老威權壓頂「大蝦細」，「係大黨分餅仔」嘅行為。

「鳩鳴團」直踩「AV事務所」

佢哋話擔心九哥空降富東選區會鏢走王進洋嘅票，「鬼打鬼」反而令建制派坐享其成。「鳩鳴團」由中環遊行至AV仁嘅律師行，要求AV仁將佢哋表達不滿嘅信件，轉交畀「乳鵲」趙家賢，但AV仁就一於龜縮。

網民「Pak Yen IP」就留言批評反對派「鬼打鬼」行為：「其實，你們(反對


派)已經被分化，實質上已經是中了離間計，所謂甚(什)麼動力的組織其實就是專做離間任務，令你們『民主派』人士互相仇視！」

「Asato Wong」就不滿九哥空降一舉：「叫『民主黨』返(番)歸啦！」

「Willy Chan」更狠批「乳鵲」假中立真偏頗，暗指趙家賢嘅「民主動力」暗幫鵲黨：「『民主動力』趙家賢本身就係鵲黨！」

「民主動力」有欠公信力、濫權霸道都唔係第一日嘅事，希望佢哋好自為之！

■香港文匯報記者 鄭治祖



王進洋炮轟「民主動力」與民主黨。王進洋fb截圖

民主黨蔡耀昌被民主動力確認為富東參選人，佢地話會聯絡我去拆我嘅最後回應：拆你嘢！你同我食屎唔同你傾唔洗搵我我會照出要我打一篇正統聲明冇問題但對住民主黨我覆你咁多，已經算係咗

用腹語打招呼 政助「語出驚人」

香港文匯報訊(記者 鄭治祖)不少問責官員都有自己的專長，但食物及衛生局局長政助鄭守崗懂得腹語，相信就震驚不少人。鄭守崗近日接受民建聯議員蔣麗芸(Ann姐)的訪問，一開始就以腹語向大眾打招呼。他表示，由於自己是獨子，小時候父母比較忙碌，而且管教較嚴，不常與其他小朋友一起玩耍，惟有與公仔「對話」，久而久之，便練成腹語。

Ann姐經常透過「蔣麗芸會客室」向大家介紹官場或政壇人物，昨日她就在facebook上發佈鄭守崗的訪問短片。

鄭守崗盼廣助市民

與問責官員對話，Ann姐亦不放過反映民意的機會，指出現時街上鼠患問題嚴重，常見老鼠聯群結隊在街上肆意行走，還有公廁的衛生問題。
鄭守崗表示，政府樂意聆聽大家意見，若大家發現有什麼衛生問題，可隨時向局方反映，他們會認真處理，盡力提升香港的衛生水平。



鄭守崗(右)接受Ann姐訪問，並以腹語打招呼。